

舍利弗阿毗曇論

牙十五

四百十九
面三

50902

18



元禧六年丙子二月日重脩

皇圖葉圖 帝階級昌

佛日增輝 懋輪常轉

山成列天安寺法金剛院置



舍利弗阿毗曇論卷第十五

姚秦天竺三藏曇摩耶舍共曇摩崛多譯

非問分煩惱品第十一

有一人出世如來無所著等正覺斷惡不善
法生諸善法斷苦法得樂法寂靜諸漏滅諸
漏除諸所作業能得寂靜第一義清涼究竟
盡究竟梵行究竟安樂究竟苦際得



是因緣故今當集諸不善法門
恃生恃姓恃色恃財恃貴恃尊勝恃豪族恃
無病恃年壯恃命恃工巧恃多聞恃辯才恃
得利養恃得恭敬恃尊重恃備足恃師範恃
戒恃徒眾恃黨侶恃長宿恃力恃神足恃禪

恃無求恃知足恃獨處恃阿蘭若恃乞食恃
糞掃衣恃我能離荒食恃一受食恃塚間恃
露處恃樹下恃常端坐恃隨敷坐恃但三衣
諛諂邪敬現相求利依使歎索以利求利我
勝嗜味不護戒瞋相變忿尊教違尊教戾尊
教欺凌捶打斛斗欺秤欺財物欺傷害繫閉
批摸侵奪故作長語。語輕謗迫脇詐善隱
藏共畜好說官事世間事兵鉞事鬪戰事大
臣事車乘事婦女事華鬘事酒肉事姪欲事
牀卧事衣服事飲食事沽酒處事親里事若
干語思惟世間事說海事不知法不知義不
知時不知足不知自身不知衆生不知久不

知勝劣人如邪見邊見倒見求覓見求覓戒
求覓戒道身見搔動自讚無信不覺慳惜面
譽遮惜不信業報毀施毀學自歎譽怨虛歎
不自在屬他事他不怨憎怨憎沒沉心悲不
厭定不勤進不忍辱非威儀不受教近惡知
識惡親厚取惡行惡行親近怯弱者受怯弱
法知怯弱持怯弱法不順思惟親近怯弱道劣心亂
心喜諍寬禁戒敬邪法退善法掉嚴身險耐恥狂
言不託外念隨憂喜自高毀他不敬不自卑
不實敬難滿難養窳惰懈怠中退後善欲勤
勤苦貪貪勤纏惱悲苦憂念衆苦恐怖弱顏
強顏疑惑無親善障礙不相可善妨邊實不

親近離卑下自強耐辱隨貪自舉自放無恃
離禪不悔含忿恚惜邪教諍訟非遜敬失災
喜求失非行來禪無益禪不知恩不知已思
輕毀瞋恚性惡剛強斷修學諫呵退憤呵已
亂說橫生瞋恚所可不成呵不自明取身見
餓舉身見憧憂身見求身見親近身見身慢
見遊戲惜身見我身見欲深共欲深悲不親
憎樂欲惴望不退重惴望究竟惴望不足不
滿礙著灑散如水津流沉沒愛枝網能生苦本
欲得嗜著焦渴居宅堪忍塵瘡愛法失念不
正智不護諸根門食不知足無明有愛有見
非有見欲漏有漏欲求有求害戒害見戒衰

見衰戒衰命衰儀衰行作惡不作善親近在家
親近出家以二緣生欲染以二緣生邪見瞋
恚伺怨懷恨焦熱嫉妬慳惜句變多姦欺無慙
無愧矜高諍訟貢高放逸慢增上慢二法內
和合外和合內外合悵望大悵望惡悵望貪
惡貪非法欲染三不善根三難伏三闇三荒
三纏三動內三垢內三競內三惡內三網力
內三害內三憎三毒三勝三闇聚三刀復有
三刀三愛三不攝三惡行身三惡行意三惡
行三不淨三不覺三不直三痰陰三欲三想
三覺三求三火三溫三煖三灸三熱三焦三
惡三有三漏三不輕三不軟三不除三法四

流四軌四取四染口四惡行四結四箭四識
住處四緣生愛四愛和合四惡道行四業煩
惱四顛倒四怖復有四怖復有四
退轉竟四法五欲五蓋五下分煩惱五上分
煩惱五道五心荒五心纏五怖五恐五無間
五犯戒五非法語五不樂五相憎五瞋恨法
五憂根法五嫉妬五緣生睡眠犯戒五過患
緣犯戒故復有三過患不敬父母不敬沙門
婆羅門不敬親長五法六依貪喜六依貪
六依貪捨六染六樂復有六愛六恚六鉤六
防護六諍根六法七共染七共欲染七識住
處七慢七不敬七漏七怯弱法七動七自恃

七求七摸七作七生

七法

八世間法八非聖

語八懈怠事八難處

八妨修梵行

八法

九若

千法九愛根法九衆生居九犯戒過患

九法

十煩惱使十煩惱結十想十覺十邪十惱事

十不善業道十法成就墮地獄速如攬錚

十法

竟十一心垢二十種身見二十法成就墮地

獄速如攬錚二十一心垢三十法成就墮地

獄速如攬錚三十六愛行三十法成就墮地

獄速如攬錚六十二見

何謂恃生衆生貴生以生自高以生為境界

若心憶念謂生妙好而以自高是名恃生復

次恃生我生勝彼中生彼生卑世間諸生中

我生最勝衆生重於生常敬於生若心憶念
諸生妙好而以自高是名恃生恃姓恃色恃財
貴恃尊勝恃豪族恃無病恃年壯恃命壯恃
工巧恃多聞恃辯才恃得利養恃得恭敬恃
尊重恃備足恃師範恃徒衆恃黨侶恃長宿
恃力恃神足恃禪恃無求恃知足恃獨處恃
阿蘭若恃乞食恃糞掃衣恃我能離荒食恃
一受食恃塚間恃露處恃樹下恃常端坐恃
隨敷坐恃但三衣亦如上廣說

何謂諛諂若依他求利改變儀式現攝諸根
是名諛諂何謂邪敬若依他求利饒辭美言
將順他意詐現巧便以是行敬恭敬是名邪敬

何謂現相求利若依他求利見有衣食卧具醫藥諸物心希欲得現相稱好是名現相求利何謂依使爲人役使雖復輕賤以利故隨逐不息是名依使何謂歎索若依他求利見有衣服飲食卧具湯藥諸物心希欲得先歎其善復言我須是名歎索何謂以利求利心希欲得若從彼人得利以示此人若從此人得利以示彼人此所得利向彼歎譽此施主彼所得利向此歎譽彼施主若如是得利是名以利求利

何謂我勝若以慢自高謂身勝是名我勝何謂嗜味貪食多求種種味是名嗜味何謂不

護戒若捨出家威儀是名不護戒何謂瞋相
變若起不善心令諸根變異若以十惱一一
發起令諸根變異是名瞋相變

何謂忿尊教尊謂佛佛弟子若教授便拒違
瞋忿或多語或鬪感現瞋若教令慎護重禁
便拒逆瞋忿或多說或復鬪感現瞋是名忿
尊教何謂違尊教尊謂佛佛弟子若教授令
順護重禁違返是名違尊教何謂戾尊教若
世尊所制莫作是說莫作是作莫作是言莫
作是分別彼不作是說故說不應作是作故
作不應作是言故言不應作是分別故分別
是名戾尊教

何謂欺凌若於衆生觸惱輕篋不欲斷害其
命是名欺凌何謂捶打若輕易手捲捶打是
名捶打何謂斗斛欺若不等心受出多少是
名斗斛欺何謂秤欺若不等心受出輕重是
名秤欺何謂財物欺若好物中雜惡物若分
種種物若以繩界定移本處是名財物欺何
謂傷若侵破他人身是名傷何謂侵害若輕
慢衆生瞋恚希害欲斷其命是名侵害何謂
繫閉若衆生爲生死纏縛常處幽闇是名繫
閉何謂批摸若起不善心以手求覓是名批
摸何謂侵奪若起不善心於他財物侵欺劫
奪是名侵奪何謂故作若心起不寂靜行心

知而造是名故作何謂長語若橫言輕謗是
名長語何謂橫言若無義語是名橫言何謂
輕謗若無實誑他是名輕謗何謂迫憊若國
王國王臣吏若蹴踰困苦取他財物是名迫
憊何謂詐善若欲欺誑若取財物而現親附
是名詐善何謂隱蔽若共物未分私取好
者覆匿是名隱蔽何謂共畜若人已行籌分
物以物不善強擇取好者是名共畜

何謂好說官事常以官法言首或言籌筭或
言長短染樂是事是名好說官事世間事兵
甲事鬪戰事車乘婦女事華鬘事酒肉事姪
欲事牀卧事衣服事飲食事沽酒事親里事

亦復如是若染樂其事何謂若干語除上樂說
事若餘事衆生異物異境界異自然異是名
若干語何謂思惟世間事若憶念爲首思惟
世間成壞是名思惟世間事何謂說海事若
以海爲言首或說諸寶或說真偽染樂其事
是名說海事

何謂不知法若於善不善無記法不知自相
不觀相不分別相是名不知法何謂不知義若
於諸法今世後世義不知自相不觀相不分別
相是名不知義何謂時不知若不知時節
應入聚落應出聚落應誦讀應受學應思惟
於此時不知自相不觀相不分別相是名不

知時何謂不知足食不知足言不知足不知
自相不觀相不分別相是名不知足何謂不
知自身不知我應有如是信如是戒如是學
問如是施如是慧如是應答若於此法不知
自相不觀相不分別相是名不知自身何謂
不知衆若殺刹衆婆羅門衆居士沙門衆應如
是往反應如是坐起應如是言嘿若於衆中
不知自相不觀相不知分別相是名不知衆
何謂不知人若持戒毀戒人若可觀人若於
此人不知自相不觀相不分別相是名不知
人何謂不知勝劣人若尊卑人不知自相不
觀相不分別相是名不知勝劣人

何謂邪見或有人起如是見無施無與無祠
無善惡業報無今世後世無父母無天無化
生衆生無世間沙門婆羅門正趣正至若今
世後世自知證分別說是名邪見何謂邊見
若見一切有見一切無見一切一見一切異
若見一切種種是名邊見何謂倒見若見正
覺謂非正覺若非正覺謂是正覺若見善法
謂非善法若見不善法謂是善法若見正趣
沙門婆羅門謂非正趣若非正趣沙門婆羅
門謂是正趣若有作是見我樂世樂後生當
樂恒常不斷不變易法常當定住是名倒見
何謂求覓見若於諸見中選擇選擇已其名

求覓見何謂求覓戒若以戒為淨若貪求批
摸是名求覓戒何謂求覓道若以道為淨貪
求批摸是名求覓道何謂求覓戒道若俱以
為淨若貪求批摸是名求覓戒道何謂身見
若我見何謂我見或有人謂色是我色中有
我色是我有我是色有見受想行識亦如是
是名身見

何謂躁若動止輕速疾是名躁何謂自稱若
歎美過能是名自稱何謂無信若不信不入
信不勝信不真信若心不信是名無信何謂
下覺若無慧是名不覺何謂慳惜若貪不捨
是名慳惜復次慳惜憎他施與利養所須是

名慳惜何謂面譽不求他財利隨順他意對
稱其善是名面譽何謂遮惜若慳惜財物令
人防護門戶恐沙門婆羅門得入乞求是名
遮惜

何謂不信業若於善不善無記業中不解重
不解究竟不解是名不信業何謂不信業報
善不善業有報若於此報不解重不解究竟
不解是名不信業報何謂毀施若非法行施
者是名毀施何謂毀學若非學者是名毀學
何謂自勝若自高我有信戒施聞智慧辯才
是名自勝何謂譽怨若人有怨家欲現其惡
友稱其善有信戒施聞慧辯才是名譽怨何

謂虛歎心有邪悔若無信戒施聞慧辯才歎
說言有是名虛歎

何謂不自在若煩惱心起所作衆善不得隨
意是名不自在何謂屬他若業不淨若欲現
親或作奴僕侍從是名屬他何謂事他若與
貴勝遨遊戲笑恃爲形勢是名事他何謂不

怨憎若愛喜是名不怨憎何謂怨憎若瞋忿
是名怨憎何謂沉沒若善法發退是名沉沒
何謂心悲若心不善悲是名心悲何謂無厭
若於生活具多欲不止是名無厭何謂不勤
進若於善法意不專樂是名不勤進何謂不
忍辱若於善法不能堪忍受是名不忍辱復

次不忍辱或有不耐飢渴寒熱風雨蚊蚋蟻
子不適意語若身心苦痛酸楚終時刀風解
形不能堪忍受是名不忍辱何謂非威儀
毀佛結戒是名非威儀何謂不受教若如法
教授心不敬順是名不受教

何謂近惡知識若殺生盜竊邪婬妄語飲酒
放逸處若近此人作知識重知識究竟知識
相敬念是名近惡知識何謂惡親厚若殺生
盜竊邪婬妄語飲酒放逸處若共此人親厚
重親厚究竟親厚相敬不離是名惡親厚何
謂取惡行依殺生者學殺生心向彼尊上彼
傾向彼以彼爲解依盜竊者學盜竊依邪婬

者學邪婬依妄語者學妄語依飲酒放逸戲
者學飲酒放逸戲心向彼尊上彼傾向彼以
彼爲解是名取惡行何謂惡行若不善境界
行是名惡行

何謂親近怯弱者若不信者無慙無愧者不
學問者懈怠者失念者無慧者若親近此人
恭敬承事是名親近怯弱何謂受怯弱法若
怯弱者所說法恭敬受行是名受怯弱法何
謂知怯弱若怯弱者所說法惡法善聽受心
能分別是名知怯弱法何謂持怯弱法若怯
弱者所說法若持此法正持住不忘相續念
不失是名持怯弱法

何謂不順思惟若不順善思惟是名不順思
惟何謂親近怯道謂邪見乃至邪定若親近
多修學是名親近於怯道何謂劣心若心懈
怠是名劣心何謂亂心若心散在五欲色聲
香味觸是名亂心何謂喜諍若諍訟若繫閉
常相違返是名喜諍何謂寬禁戒若缺若荒
若垢離禁戒是名寬禁戒何謂敬邪法若惡
不善法以此為尊能得定是名敬邪法何謂
退善法若出世間法於此法發退是名退善
法何謂掉若掉動心亂不寂靜不正寂靜是
名掉何謂嚴身若自捫撻是名嚴身何謂嶮
若身意業起動不順是名嶮何謂耐恥若在

衆不問妄說是名耐恥何謂狂言若縱語不攝是名狂言何謂不記若失念善是名心不記何謂外念若念在五欲色聲香味觸是名外念復次外念若念外道若敬念外道心在彼法是名外念何謂隨憂喜若俗間有種種喜樂種種憂苦心有希求隨順和同是名隨憂喜何謂自高若歎身相好名能是名自高何謂毀他若說他長短是名毀他何謂不敬若輕慢尊長無有敬畏是名不敬何謂不自卑若不下人是名不自卑何謂不實敬若於淨行者種種稱美虛偽不真是名不實敬何謂難滿若飲食無厭是名難滿何謂難養求

美味是名難養何謂寐墮若懈怠是名寐墮
何謂懈怠若寐墮是名懈怠何謂中止若求
上利則易緣懈怠故便息是名中止何謂後
善若於善法中失滅沒是名後善何謂欲勤
若樂著於欲是名欲勤何謂勤苦若種種苦
身但非聖法無儀無益無義是名勤苦何謂
貪若愛廣大極於彼岸是名貪何謂貪纏若
愛廣大極於彼岸是謂貪纏何謂惱若衆生
若干苦所逼若惱重惱究竟惱內焦熱內心
憂懣是名惱何謂悲心若衆生爲苦惱所逼
惱箭入心若哭泣口說追憶不捨是名悲心
何謂苦若身不忍受眼觸苦受耳鼻舌身觸

苦受是名苦何謂憂若心不忍受苦是名憂
何謂衆苦苦若爲種種苦所逼心無停息是名
衆苦何謂恐怖若心驚動是名恐怖何謂弱
顏若作善法聃闇喜著是名弱顏何謂強顏
如小兒言無忌難是名強顏何謂疑惑二心
猶豫不能斷結是名疑惑何謂無親若遠離
善法是名無親何謂善障礙若背善法是名
障善礙何謂不相可若喜鬪諍繫纏共相言訟
是名不相可何謂善妨若作善法因生自高
是名善妨何謂邊實若邊見者執所見爲堅
實是名邊實何謂不親近若不親近佛佛弟子
不供養恭敬禮拜是名不親近何謂近離若

曾親近佛佛弟子供養恭敬禮拜後便癡退
不復親近供養恭敬禮拜是名近離何謂卑
下身口意業作欺詭不實卑劣法是名卑下
何謂自強若起不善心現身口意是名自強
何謂耐辱若貪著世俗法希求往來不息是
名耐辱何謂隨貪若貪建利養不自不失善
人相是名隨貪何謂自舉若身口意業共掉
是名自舉何謂自放若心涌散不攝是名自
放何謂無恃若手足煩撓無有定操縱橫盡
地是名無恃復次無恃若好行來是名無恃
何謂離禪若不親近寂靜處是名離禪何謂
不悔若起不善心歡喜踊躍無有變失是名

不悔何謂含忿若有不可常使不息因增煩惱是名含忿何謂恡惜若於財法護念不捨是名心恡惜何謂邪教若說邪法是名邪教若邪見者集聲音句言語口教是名邪教何謂諍訟若求他長短不生和順是名諍訟何謂非遜若所業心高無有敬順是名非遜何謂敬失若敬自下非法是名敬失何謂災喜若見他衰失反生喜恆是名災喜何謂求失若有惡嫌常伺缺漏是名求失何謂非行若比丘犯失威儀作非威儀行是名非行何謂來禪若人聚集處心求名利便現坐禪相是名來禪何謂無益禪若人坐禪無儀是名無

益禪何謂不知恩若從他得財施法施不知
分別正分別不緣分別是名不知恩何謂不
知己恩若曾從他得財物施法施不受恩是
名不知己恩何謂輕毀若說他過失心不忌
難是名輕毀何謂瞋恚若忿怒不護他意是
名瞋恚何謂性惡若身口意本暴是名性惡
何謂剛硬若無有忍辱行是名剛硬何謂斷
修學若遮他作善是名斷修學何謂呵諫反
生譏責若人作惡善諫不受是名呵諫反生
譏責何謂呵諫亂語生恚何謂呵諫不成何
謂呵諫不明皆如上說
何謂取身見緣身見故取身見身見惡故取身

見如嶮難道有草木叢林覆上趣彼道者不
知高下深淺如是取身見者不識是非好惡
是名取身見何謂身見餓緣身見故身見餓
身見惡故身見餓令衆生處諸苦難如道中
河餓禽獸惡虫餓人非人餓如是趣彼道者
受無量種種苦如是趣身見受諸苦痛不至
彼岸是名身見餓何謂立身見幢若樂起身
見是名立身見幢何謂憂身見若緣身見故
生憂惱重生究竟生憂惱是名憂身見何謂
求身見若緣身見故邪求色受想行識是名
求身見何謂親近身見若緣身見故親近色
受想行識是名親近身見若緣身慢見若緣身

見故身慢嚴飾己身是名身慢見何謂遊戲
身見若緣身見若緣身見欲取愛色受想行
識是名惜身見若緣身見故取我色受想行
識是名我身見

何謂欲若欲界欲色無色界欲是名欲染共
欲染悲不憎樂欲亦如是

何謂希望若愛初觸是名希望何謂重希望
愛若廣大未極彼岸是名重希望何謂究竟
希望愛若廣大以極彼岸是名究竟希望何
謂難足若欲界不足色無色界不足是名難
足難滿著灑津流沒枝網生本希嗜焦渴宅
忍塵瘡愛亦如上說 一法竟

何謂失念若捨善念是名失念何謂不正知
或有比丘不以正知去來屈伸回轉服僧伽
梨執衣持鉢飲食便利解息睡眠行住坐卧
眠時覺時嘿時不自護行是名不正知何謂
不護根門若見色取是名不護根何謂食不
知足若不量食是名食不知足

何謂無明若癡不善根是名無明何謂有愛
若色無色界愛是名有愛何謂有見若常見
是名有見何謂非有見若斷見是名非有見
何謂欲漏若貪著欲界法是名欲漏何謂有
漏若貪著色無色界法是名有漏何謂欲求
若欲界求度欲界未知欲界未斷欲界陰界

入色聲香味觸法若求覓聚集是名欲求何
謂有求若色界無色界未度色無色界未知
色無色界未斷色無色界陰界入禪解脫定
入定若求覓聚集是名有求何謂不持戒若
破戒若不持戒是名不持戒何謂害見若六
十二見及邪見是名害見何謂戒衰若毀戒
不護持是名戒衰何謂見衰若六十二見及
邪見是名見衰何謂衰命若邪命是名衰命
何謂衰儀若非威儀行是名衰儀何謂衰行
若比丘非自境界行是名衰行何謂作惡不
善法成就是名作惡何謂不作善出世間善
法若不作不成就是名不作善何謂親近在

家若順世間違於正行是名親近在家何謂
親近出家若不順在家違於世行是名親近
出家何謂二緣生欲深若緣淨色緣不順思惟
生欲深是名二緣生欲深何謂二緣生瞋恚緣怨
憎緣不順思惟是名二緣生瞋恚纏如烟荒
何謂二緣生緣見緣他邪說緣不順思順生
邪見是名二緣生邪見何謂瞋恚若忿怒重
忿怒是名瞋恚何謂伺怨若欲報仇纏究竟
纏心行癡業究竟忿怒若瞋恚是名伺怨何
謂懷恨若心垢穢煩惱所汚是名懷恨何謂
焦熱若不適意而生憂惱是名焦熱何謂嫉
妬若他得利養尊重恭敬禮拜而生嫉妬重

嫉妬究竟嫉妬是名嫉妬何謂慳惜若財施
法施貪恡不捨聚集樂著是名慳惜何謂句
變若於尊勝及餘人前爲名聞虛譽故自覆過
失詭譎他人是名句變何謂姦欺若心邪曲不正
是名姦欺何謂無慚若自作惡內心不悔是
名無慚復次無慚若人無慚於可恥法不恥
於惡不善法不恥是名無慚何謂無愧若自
作惡不著他人是名無愧復次無愧若人不
愧於可著法不著於惡不善不著是名無愧
何謂矜高慢他自譽是名矜高何謂諍訟若
起身口意不善掉動麤言忿惱是名諍訟何
謂貢高若去不善心嚴飾己身稱歎己善意

不開解是名貢高何謂放逸若不攝亂念是名放逸何謂慢若言我勝是名慢何謂增上慢言我與勝等是名增上慢二法竟

何謂內集若於內法中欲染共欲染悲不增樂欲希望重希望究竟希望難足難滿貪灑津漏沒技網生本希嗜著憔悴渴宅忍塵瘡愛是名內集何謂外集若於法欲染共欲染乃至塵瘡愛是名外集何謂內外集若於內外法欲染共欲染乃至塵瘡愛是名內外集何謂希望若自有善法希望故欲令他知是名希望何謂大希望若多希望是名大希望何謂惡希望若自無善法希望欲令他知有善法

是名惡希望何謂貪若於自物財賂妻子等
貪欲染貪著是名貪何謂惡貪若於他物財
賂妻子等欲令我有貪欲染貪著是名惡貪
何謂非法欲染若母師妻等作欲染行是名
非欲染何謂三不善根貪不善根恚不善根
癡不善根是名三不善根何謂三難伏欲難
伏恚難伏癡難伏是名三難伏何謂三闇貪
闇恚闇癡闇是名三闇何謂三荒欲荒恚荒
癡荒是名三荒何謂三纏欲纏恚纏癡纏是
名三纏何謂三動欲動恚動癡動是名三動
何謂內三垢欲垢恚垢癡垢是名內三垢何
謂三競欲競恚競癡競是名內三競何謂

三怨欲怨恚怨癡怨是名內三怨何謂內三
網欲網恚網癡網是名內三網何謂內三害
欲害恚害癡害是名內三害何謂內三憎欲
憎恚憎癡憎是名內三憎何謂內三毒欲毒
恚毒癡毒是名內三毒何謂三勝我慢不如
慢增上慢是名三勝何謂三闇聚疑惑我過
去有我過去無何姓過去有何因過去有疑
惑我當來有我當來無何姓當來有何因當
來有疑惑我現在有現在無何姓現在有何
因現在有是名三闇聚何謂三刀欲力恚刀
癡刀是名三刀何謂復有三刀身刀口刀意
刀是名復有三刀何謂三愛欲愛有愛非有

愛是名三愛何謂三不攝身不攝口不攝意
不攝是名三不攝何謂三惡行身惡行口惡
行意惡行是名三惡行何謂身三惡行殺盜
邪淫是名身三惡行何謂意三惡行貪恚邪
見是名意三惡行何謂三不淨身口意不淨
是名三不淨何謂三不覺身口意不覺是名
三不覺何謂三曲身口意不直是名三曲何
謂三痰陰欲痰陰恚痰陰癡痰陰是名三痰
陰何謂三欲欲欲恚欲害欲是名三欲何謂
三想欲想恚想癡想是名三想何謂三覺欲
覺恚覺害覺是名三覺何謂三求身求口求
意求是名三求何謂三火欲火恚火癡火是

名三火何謂三炅欲炅恚炅癡炅是名三炅
何謂三煖欲煖恚煖癡煖是名三煖何謂三
炙欲炙恚炙癡炙是名三炙何謂三熱欲熱
恚熱癡熱是名三熱何謂三焦欲焦恚焦癡
焦是名三焦何謂三惡身惡口惡意惡是名
三惡何謂三有欲有色有無色有欲是名三有
何謂三漏欲漏有漏無明漏是名三漏何謂
三濁身口意濁是名三濁何謂三不軟身不
軟口不軟意不軟是名三不軟何謂三不除
身不除口不除意不除是名三不除
三法竟
何謂四流欲流有流見流無明流是名四流
何謂四軛欲軛有軛見軛無明軛是名四軛

何謂四取欲取有取戒取我取是名四取何
謂四染欲染色染無色染見染是名四染何
謂口四惡行妄言綺語兩舌惡口是名口四
惡行何謂四結希望身結瞋恚身結戒盜取
結見實身結是名四結何謂四箭欲箭瞋箭
慢箭見箭是名四箭

何謂四識任處比丘識依色任色為境界色
中止愛相續得增長廣大受想行住處亦如
是是名四識任處

何謂四緣生愛若比丘緣衣生愛緣食生愛
緣卧具生愛緣醫藥生愛是名四緣生愛
何謂四愛相緣若緣愛生愛緣愛生憎緣憎

生憎是名四愛相緣

何謂四惡道行欲惡道行恚惡道行畏惡道行癡惡道行是名四惡道行

何謂四業煩惱殺生業煩惱竊盜業煩惱邪婬業煩惱妄語業煩惱是名四業煩惱

何謂四顛倒無常謂常想顛倒心顛倒見顛倒苦謂樂想顛倒心顛倒見顛倒無我謂我想顛倒心顛倒見顛倒不淨謂淨想顛倒心顛倒見顛倒是名四顛倒

何謂四怖王法怖賊盜怖火怖水怖是名四怖何謂復有四怖老怖病怖死怖惡趣怖何謂復有四怖波怖洩怖洄復怖失收塵

羅怖秦言鰐魚何謂復有四怖自衰怖誹謗
怖孤遺怖無子怖是名復有四怖

何謂四退轉法如世尊說四退轉法何謂四
比丘尊重瞋恚不尊重正法尊重憎嫉不尊
重正法尊重利養不尊重正法尊重恭敬不
尊重正法

瞋恚憎嫉 利養恭敬 如是尊重 比丘失道
良田敗種 善法不生

是名四退轉法 四法音

何謂五欲眼識色愛喜適意愛色欲深相續
耳鼻舌身識觸亦如是說是名五欲

何謂五蓋欲深蓋瞋恚睡眠掉悔疑蓋是名

五蓋何謂五下分煩惱身見疑戒盜欲染恚
是名五下分煩惱何謂五上分煩惱色染無
色染無明慢掉是名五上分煩惱

何謂五道地獄畜生餓鬼人天是名五道

何謂五心荒如比丘疑惑世尊不信不度不
解比丘心疑惑世尊心不信不度不解已比
丘心不向世尊不信不親近不解已此謂初
心荒法僧亦如是復次比丘戒有缺行荒行
垢行比丘戒缺行荒行垢行已比丘心不向
戒不信不親近不解比丘不向戒不信不親
近不解已其名四心荒復次比丘心惱害諸
淨梵行者心荒不信毀罵惡言輕謗諸淨

行者比丘惱害諸梵淨行諸惱害心荒於不信毀罵惡言誣謗諸梵淨行者已比丘心不向諸梵淨行者不信不親近不解比丘心不向諸梵淨行者不信不親近不解已其名五心荒

何謂五心纏如比丘身不離深不離欲不離愛不離渴不離焦熱比丘不離深不離欲不離愛不離渴不離焦熱已比丘心不向勤進信寂靜斷結比丘不向勤進信寂靜斷結已此謂初心纏復次比丘勤行色欲等樂勤行卧具睡眠樂比丘勤行色欲等樂勤行卧具睡眠樂已比丘心不向勤精進正信寂靜行

斷結比丘心不向勤精進正信寂靜行斷結
已名第二第三心纏復次比丘得少進便
住不上求未得欲得未解欲解未證欲證比
丘得少進便住不上求未得欲得未解欲解
未證欲證已比丘不向勤精進正信寂靜行
斷結比丘心不向勤精進正信寂靜行斷結
已名第四心纏復次比丘希望生種種天
上故行梵淨行我以此戒道苦行梵淨行令
我作天王或作輔臣比丘希望生種種天上
故行梵淨行我以此戒道苦行梵淨行令我
作天王我作輔臣已比丘心不向勤精進正
信寂靜行斷結比丘心不向勤精進正信寂

靜行斷結已是名五心纏

何謂五怖若殺生緣殺生故於現世怖未來世怖竊盜邪媼妄語飲酒放逸處怖亦如是是名五怖五恐亦如是

何謂五無間殺父無間殺母無間殺阿羅漢無間破衆僧無間惡心出佛身血無間是名五無間

何謂五犯戒殺生盜竊邪媼妄語飲酒放逸是名五犯戒

何謂五非法語非時語無實語無義語非法語不調順語是名五非法語

何謂五不樂不樂獨處不樂出世不樂寂靜

不樂梵行不樂諸善法是名五不樂

何謂五憎惡不親自親不應呵橫呵數到白衣家常喜多語好行乞求是名五憎惡

何謂五瞋恚本法作礙觸惱瞋恚諍訟專熱是名五瞋恚本法

何謂五憂本本法憂悲苦惱衆苦是名五憂本本法

何謂五嫉妬舍宅嫉妬豪族嫉妬利養嫉妬名聞嫉妬是名五嫉妬

何謂五緣生睡眠久吐噎懣不樂身重心沉沒是名五緣生睡眠

何謂犯戒五過患自招衰損爲他呵責惡名流布死時有悔後墮惡道是名犯戒五過患

何謂復有犯戒五過患緣犯戒故未得財物
不得已得財物欺奪若至刹利眾婆羅門眾
居士眾沙門眾中心懷恐懼為沙門婆羅門
遠稱過惡身壞命終便墮惡道是名犯戒五
過患

何謂五不敬順不敬順父母沙門婆羅門尊

長不敬順五法竟

舍利弗阿毗曇論卷第十五

面

恃音市師範

犯下音

蘭若

下汝者

諛諂

上羊

失嗜味上音視

戾零帝

捶打

上之委反

斛斗

上胡

容批摸

上側買反一音

謀紫

迫脇

下虛業反

搔

上胡

動上蘇反怯弱上去恍正竅主惶上怨反慘

下七感反悵上惜反遜蘇憤反憤反幢反伺寺

反上矜陵高上煥煖梔厄擘上鉞下莫浮反反拒

違上嘖上感上頻正作輕蔑下莫結反

蹴字逆上躡上秋六反反覆上匿上副下祠音躁

則到遊上吾反酸上楚官反反捫上飭上音門下或

面
舍利弗阿毗曇論卷
二十
屬

躡上都反又徒登反聃上閻上他反詭過委定

操下七喜反下方對硬上剛字下仇音財賂

下音焜正作軟兆怖上音迴復正作鱉魚

上吾誣謗上音



